



22. November. 2018

UKA 2018/101

Atassut

Aqqaluk Heilmann

Ilaqutariit nukittorsarumallugit ilaqutariinnik siunnersuisartut (coaching) pillugu apeqquteqaat allaavigalugu oqallinnissamik siunnersuut.

(Inatsisartunut ilaasortaq Nivi Olsen Demokraatit)

Qujavugut oqallisissiamut saqqummiisumut.

Nunatsinni illoqarfinni nunaqarfinnilu innuttaasut ilaqutariit inuillu ataasiakkaat ikiorneqarsinnaanerput pisariaqartilertarparput ilaatigut.

Qanorluunniit inuunerissaartigigaluaaraanni ilaatigut tupannartut naatsorsuutiginnisamik takkuteriataarsinnaasarput, malitsigisaanillu inunnut eqqorneqartunut tarnikkut sanngiillinermik nassataqarsinnaasarlutik.

Sumiiffiit ilaanni kredshjælper-inik peqarpoq, sakkortuumik nalaataqartoqartillugu ikiugasuartartunik.

Uanili oqallisissiatut siunnersuutigineqartumi coaching pineqarpoq aammalu coach.

Naalackersuisup akissutaani sumiiffinni ilaqutariinnut siunnersuisartunik ingerlasoqareenera nassuiaassutigineqarpoq.

Taakkuli piffissami taasami suliaqartuupput aammalu nalunngisatsituut ilinniarsimasunik sulisoqartiterlutik.

Suli ineriartortitsinikkut pitsanngorsaaqqissinnaaneq siunertaralugu misiligummik iliuuseqarsinnaaneq ammaffigisariaqarippat eqqarsaatiginarsinnaavoq.

Atassummiit anguniartuagaraarput inuit timikkut tarnikkullu peqqinnartumik inuuneqassasugut, ulluinnartigullu imminut ikiorluarsinnaanissarput suliffeqarnikkut inuussutissarsiteqarnikkulluunniit pingaartitaralutigu.

Taamatullu utoqqartagut meerannguillu paaqqutarilluassagigut aamma.

Taamaattumik inunnut ikiuvigasuarsinnaanermut tunngassuteqartut siunnersuutit qaqqinneqartartut sumiginnartissinnaaneriniit misiliisinnaasuseqarnissarput pingaartitarisariaqarparput, pingaartumik angajoqqaat meeqqanut pilersuisuusut nukittuumik inissisimanissaat eqqarsaatigalugu.

Siunnersuutigineqartup oqariartuutaa maluginiarparput, inuit pisariaqartitsisut angerlarsimaffiini ikiorneqartarsinnaanissaat siunnersuutigineqartoq.



Inunnik isumaginninnikkut sulisuusut, pingaartuusut pisariaqartinneqaraagamik aggersarneqarsinnaasarput politiinit.

Pisorta qarfiup ataani innuttaasunik sullissisuusut soorlu ilaqutariinnut sullissivinni atorfeqartut inunnik isumaginninnikkullu atorfeqartut suleriaasiisa iluarsartuuteqqinneqarnerini commune-p ingerlatsinerata ataani tamanna periarfissaasinnaasoq naatsorsuutigineqarsinnaavoq.

Inatsisartuni ilaasortanit naalakkersuinikkullu suliaqartunit sinaakkutissiornermi commune-t peqatigalugit suliat ineriartorteqqinneqarsinnaaneri soqutiginarpuvoq.

Siunnerfigalugu inunnik pinasuartumik ikiuisinnaaneq, kiisalu ulluinnartigut pisariaqartinneqartillutik ikiuisinnaanerat.

Tassani toqqagassaqsinnaaneq periarfissaasinnaagaluarpoq soorlu, angerlarsimaffimmi najukkami oqaloqateqarusukkaanni orninneqarsinnaalluni, imaluunniit isumaqatigiinnikkut ilaqutariinnut sullissivimmu orniguttoqarsinnaalluni.

Pingaarnertut suliassaq isigigaanni taannalu qiteralugu iliuuseqarsinnaaneq inunnut inummulluunniit ikiortariaqartumut pitsaasumik kinguneqartumik ikiuigasuarsinnaaneq erngertumik pitsaasumik kinguneqartartoq nalunngilarput.

Sinerissami psykolog-inik kommune-t ilai atorfilittaqartarput, ilaqutariinnut sullissiviit qiviaraanni psykolog-inik atorfilittaqqangitsut pisariaqartitsinerminni attaveqaatitigut ikioqatigiissinnaaneq ilanngullugu eqaallisarneqarsinnaavoq.

Skype peqqinnissaqarfanni atorluagaavoq tele-kkut attaveqaatigiittarnermi.

Taamaammatt inunnut ataatsiakkaanut ilaqutariinnuunniit sullissinerup iluani pisariaqarfianilu skype atorluarneqarsinnaanera iluaqutiginarneqarsinnaaneralu ineriartorteqqinneqartariaqarpoq suleriaaseq.

Oqanngilagut taama peqqusilluta, kommune-t pisussaaffitik akisussaaffimmilu iluini suliaqareertuupput, uagulli iliuuseqaqataanissamut oqallinnerup malitseqartinneqarsinnaanera pitsaaqutissanik ujartortuartariaqarparput.

Taamatullu peqqissutsimut inunnillu isumaginninnikkut suliaqarnikkut attuumassuteqartunut pitsanngorsaataasinnaasunik iliuuseqarniarnermi sunniisinnaanerpup kinguneqarsinnaasariaqarpoq.

Inunnik sullissinermi kommune-mi atorfilittat qinikkanilu ataatsimiititaliat susassaartut, kiisalu inatsisartuni ilaasortat ataatsimiititalianilu attuumassuteqartut suleqatigiissinnaassusaat ersarilluartumik ineriartuutaasumillu kinguneqartitsisarnissaq siunnerfigalugu suleriaatsit ilanngullugit nalilersorinnaasariaqarput.

Inunnik isumaginninnikkut inulerinikkullu qinikkatut suliaqartut nukittoqutigissammassuk attaveqaatigiilluarluni suleqatigiissinnaaneq, kiisalu pisariaqarfiani atorfilittat ulluinnarni sullissineranni ajornartorsiutigisakkatik oqariartuutigisinnaasariaqarpaat.



Ilaqutariittut inissisimasut ilai, angerlasimaffimmini imigassartorfiusuni ajoraluartumik atugaqarsinnaasarpur oqitsuinnaanngitsumik.

Tarnikkut annersaanneq (oqqannerit) timikkullu annersaanneq assigiinngitsupilussuupput.

Timikkut annersaannerup ikii mamittarput, tarnikkut annersaannermi ikitut taassagaani uummammi anniaatit taakkua maminneq ajorput.

Tassa tarnikkut annersarneqarneq timikkut annersarneqarnermiit sakkortunerusinnaasarpur, ajoraluartumillu inuppasuaqartarluni sakkortuumik taama eqqorneqarsimasunit.

Taamaattumik atonerluilertarneq soorlu imigassamik ilaatigut peqquteqarajussinnaasarpur, inuit ilaasa imigassaq qimaaffigisinnaasarmassuk kiisalu imigassamik sunnerneqarnermi misigissutsit aniatilerneqarsinnaasarmata timikkullu iliuuseqarfigineqalertarlutik, taamatullu ajortumik kinguneqarsinnaasumik iliuuseqartoortarnernik malitseqarsinnaasarluni.

Pingaaruteqarpur inuk paasissallugu oqariartuutaa sunaanersur, taannalumi matuersaataavur iliuuseqarnissamut.

Naammangilaq inuk imigassamik nakkaassimappat atonerluilersimappalluunniit ajoqersuunnaannassallugu inuk inuunerissoq qanoq ulluinnarni inooriaaseqarnissaanik imigassartorfiumngitsumik.

Inuk kiserliortutut allatigulluunniit atorsaateqartutut misigisimasur, tassanngaannartumilluunniit naatsorsuutiginnngisaminik nalaataqarsimasur, annikilliuuteqartartorluunniit ikiorneqarsinnaasariaqarpur siullertigut iliuuseqarnermi tarnikkut pissutsitigut.

Imigassaq aallaaviusimappat ikiortariaqarnermi, ilaqutariiusinnaappur meerartarminnut ilanngullugit imerajoqataasut, naak meeraq imertanngikkaluarpuunniit aamma ikiugassaavur imisigisarsimappat tusaasarsimappallu sakkortuunik nalilerneqarsinnaasunik.

coaching ilaqutariit angerlarsimaffiannut ornigulluni ikiuisarnissamut atuutsinneqalissagaluarpat tamanna pitsaasumik kinguneqartussaasutut takorloornarsinnaavur.

Coach piukkunnartuuvur ilaqutariinnut pisariaqartisineq malillugu sullissisunut.